

www.BibleForChildren.org

Mateo 8



Saypita kimsa junaqtanami casaray fiesta karqan Galileacho kaykaq Caná markacho. Say fiestachömi kaykarqan Jesúspa mamanpis. Saymanmi Jesústapis discipulunkunatawan qayasiyarqan.



Fiesta manaraq ushakaptinmi vñnuta
ushakäpakuyarqan. Saymi Jesússta maman nirqan:
<<Vñnunkunami ushakaskish>>. Jesússta mamannami
sirvientikunata nirqan: <<Jesús niyëshushqaykita
lapanta rurayay>>.



Saymi sirvientikunata Jesús nirqan: <<Say urpukunaman yakuta juntaqpaq winayay>>. Saymi yakuta winayarqan juntashqanyaq. Juntarkasiyaptinnami Jesús nirqan: <<Ichiklata chaqarkur mayor sirvienti yawanapaq apayay>>. Sayno niptinmi Jesús nishqannöla chaqarkur apapäyarqan.



Mayor sirvienti yawarkurmi ali kaq vïnu kashqanta tantiyarqan. Isanqa manami musyarqansu maypita apayashqantapis. Yanapaq kaq sirvientikunalami maypita kashqantapis musyayarqan.



Yawarkurnami casaraq maqtata qayaykurnirqan:
<<Wakin runakunaqa fiesta qalaykunalachömi alinnin
kaq vïnuta qarakasiyan.
Askata upuskiyaptinnami
sheqi kaqlatana qarakuyan.
Sayno kaptinpis qamqa
fiesta ushananchöraq
mas alinnin kaq vïnuta
qarakaykäsinki>>.




Saynömi Galileacho kaykaq Caná
markacho punta kaq milagruta
Jesús rurarqan. Munayyuq
kashqanta rikarmi
discípulunkuna payman
yärakuyarqan.



Saypita Pedrupa wayinman aywarmi
Jesús tarirqan Pedrupa suedran
fiebriwan ansa jitaraykaqta.



Saymi makinta yataykuptin jinan h6ra aliyaskir mikuyta qararqan.




Pasa sakaykaptinnami lapan qeshyaykaqkunata y supaykuna nakasiyashqan runakunatapis Jesúsman apayämurqan. Say markacho lapan runakunami Jesús kaykashqan wayi punkuman shuntakäyarqan.



Saychömi tukuyläya qeshyawan qeshyaykaqkunata
Jesús aliyäsirqan. Saynölami aska runakunapita
supaykunatapis qarqurqan. Pï kashqantapis supaykuna
musyayaptinmi Jesús olqutuparqan mana
parlakuyänanpaq.



Lapan runakunata munayninwan aliyäsiptinmi pïmaypis Jesústa yataylapis yatayta munayarqan.



Wayi rurincho pasaypa kichki kaptinmi punkuchöpis runakuna junta kayarqan. Tayta Diospa wilakuyninta Jesús wilapaykaptinmi paraliticu runata chusku runakuna wintush chäsiyarqan.



Saysika runakuna kichkiräyaptinmi
punkupa yaykasiyta
kamäpakuyarqansu. Saymi wayi
jananman wisarkasir
qataraykashqanta kichariyashpan
kirmantinta Jesúspa
nawpanman
uräsiyarqan.




Say runakuna payman yäarakuyashqanta musyarmi
qeshyaykaq runata Jesús
nirqan: <<Hiju, lapan
jusaykipita perdonashnami
kaykanki>>.
<<¡Sharkuy!
Kirmaykita apakurkur
wayikipa aywakuy>>.



Saypitanami büquiman Jesús wisaptin
discípulunkunapis qepanta
wisäyarqan. Qochata
simpaykäyaptinmi Jesús
punukäkurqan. Sayyaqmi
fiyupa wayrawan yaku
pulchaqyar büquita
talpukäsinarpaqna
kaykarqan.



Sayno niyaptinmi Jesús nirqan: <<Janan shonqula
yärakuq runakuna, ¿imanirtaq mansakäyanki?>>
Niskirmi sharkurkur wayratawan yakuta olqutuparqan.
Olqutupaskiptinmi wayrapis yakupis
chawaskirqan. Sayta rikarmi
discipulunkuna mansakash
niyarqan: <<Yakupis
wayrapis sayno
cäsunanpaqqa ipinataq
kay runaqa!>>



Runakunata kuyashpanmi juklayla
Surinta Tayta Dios kachamurqan.
Saymi pipis payman yärakuq kaqqa
ushakanqasu, saypa trukanaq mana
ushakaq kawayta tarinqa.



Romanos 3:23 Lapan runakuna jusayuq karmi Tayta Diospa nawpanman chayta kamäpakuyansu.

Romanos 6:23 Jusalikuyqa wanuymanni apamansi. Señorinisi Jesucristo noqansi rayku wanush kaptinmi Tayta Dios dembaldila salvamansi nawpancho imayyaqpis kawanansipaq.

Hebreos 9:27 Saynölami lapan runakunapis juk kutila wanuyan y saypitaqa juzgashnami kayanqa.

Efesios 2:8,9 Tayta Dios kuyapäkuq karmi Jesucristuman yärakush salvacionta qaramashkansi. Manami kikinshipitasu ni alita rurashqansipitasu salvacionta tarishkansi, sinöqa Tayta Diospitami. Saymi pipis alabakur ninqasu: <<Alikunata rurashqäpitami Tayta Dios salvamash>>.



Romanos 10:9,10 Jesucristo ämuyki kashqanta nirqa y wanushqanpita Tayta Dios kawarisimushqanta lapan shonquykikunawan criyirqa salvashqami kayanki.

Lapan shonquykiwan criyiyaptikiqa Tayta Dios perdonayäshunkimi. <<Señor Jesucristuqa äümüi kaykan>> niyaptikiqa Tayta Dios salvayäshunkimi.

Juan 3:16,17 Runakunata kuyashpanmi juklayla Surinta Tayta Dios kachamurqan. Saymi pipis payman yärakuq kaqqa ushakanqasu, saypa trukanqa mana ushakaq kawayta taringa. Manami runakunata infiernuman qaykunanpaqsu Tayta Dios Surinta kachamurqan, saypa trukanqa payman yärakuyaptin salvananpaqmi.



1 Juan 5:11-13 Mana ushakaq kawayta qomashqansitami
Tayta Dios tantiyasimashkansi. Say kawaytaqa tarinsi
Surin Jesucristuta chaskikurmi. Tayta Diospa Surinta
chaskikuq kaqqa mana ushakaq kawaytami tarin. Mana
chaskikuq kaqmi isanqa say kawayta tarinqasu. Tayta
Diospa Surinman yarakuyaptikimi kay cartata apaykäsümü
mana ushakaq kawayta tariyashqaykita musyayänaykipaq.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Quechua Huamalíes-Dos de Mayo Huánuco Bible (qvh) ©
2003, Wycliffe Bible Translators, Inc. All rights reserved.

<https://www.bible.com/bible/670/2CO.5.QVHB>

©2025 Bible for Children, Inc.

www.M1914.org

www.bibleforchildren.org

